

ԱՐԹՈՒՐ ԿԱՐԱՊԵՏՅԱՆ

ԳԵՎՈՐԳՅԱՆ ՀՈԳԵՎՈՐ ՃԵՄԱՐԱՆԻ
Գ ԼՍԱՐԱՆԻ ՍԱՆ

ՍՈՒՐԲ ԹԱԴԵՈՍ ԱՌԱՔՅԱԼԻ ՔԱՐՈՉՈՒԹՅՈՒՆԸ ՀԱՅՈՑ ԿՈՂՄԵՐՈՒՄ

*«Եւ եղիջիջ ինձ վկայք յերուսաղէս եւ
յամենայն Հրէաստանի եւ ի Սամարիա եւ
մինչեւ ի ծագս երկրի» (Գործք Ա 8):*

Հիսուս Քրիստոս իր Հրաշափառ Հարությունից հետո և երկինք Համբար-
նալուց առաջ, իր շուրջը համախմբված տասներկու առաքյալներին ուղղեց
աշխարհում իր արտասանած վերջին բառերը՝ ասելով. «Երբ Սուրբ Հոգին իջնի
ձեր վրա, գործություն պիտի առնեք և ինձ վկաներ պիտի լինեք Երուսաղեմում,
ամբողջ Հրեաստանում ու Սամարիայում և մինչև երկրի ծայրերը» (Գործք Ա 8):

Ուստի, մինչև Հոգեգալուստ, առաքյալներն իրենց օրերն անցկացնում էին
միայն աղոթքով՝ առանց որևէ արտաքին գործով իրենց մտքերն զբաղեցնելու ու
հոգեցնելու: Մի խոսքով, առաքյալներն իրենց պատրաստում էին երկնային
գործությունն ընդունելուն:

Այնուհետև, երբ լրացան Պենտեկոստի օրերը, բոլոր առաքյալները
«միասիրտ, միատեղ էին» (Գործք Բ 1-2): Եվ հանկարծ երկնքից հնչում է մի
ձայն՝ սաստիկ հոդմից եկած ձայնի նման, և լցնում ողջ այն տունը, ուր նրանք
նստած էին, և բոլորը լցվում են Սուրբ Հոգով (Գործք Բ 4):

«Սուրբ Հոգու գալստյան բուն իմաստը՝ աշակերտների վրա Աստվածային
շնորհների ցերքնապես հեղումն է» («Համապատում», Ս. Էջմիածին, 1997, էջ
874):

«Եվ բոլորը լցվեցին Սուրբ Հոգով ու սկսեցին խոսել այլ լեզուներով, ինչպես
որ Սուրբ Հոգին նրանց խոսել էր տալիս» (Գործք Բ 4):

Երբ լեզվախոսական հրաշքի մասին լսվեց ամեն կողմում, «բազմությունը
հավաքվեց ու խոնգվեց» վերնատան շուրջը: Նշենք, որ ինչպես միշտ, այդ օրն էլ
Երուսաղեմում բազմատեսակ բազմություն կար, այսինքն՝ գաղթօջախներից
եկած հրեաներ, հրեությանը դարձածներ, հեթանոսներ (ի դեպ, «հեթանոս» բառը
պատմական տարբեր դարաշրջաններում տարբեր իմաստներով է՝ ընկալվել,
այսպես՝ Ս. Գրքում այն հիմնականում օգտագործված է «այլազգի» (ոչ հրեա),
իսկ միջնադարյան գրականության մեջ՝ «անհավատ» (ոչ քրիստոնյա) նշանա-
կությամբ), որոնք հիանում էին ու զարմանում այդ արտակարգ երևույթից. «Չէ՞
որ սրանք բոլորը, որ խոսում են, գալիլիացիներ են, բայց ինչպե՞ս է, որ մենք
նրանց լսում ենք մեր յուրաքանչյուրի բարբառով, որ ծնված օրից խոսում ենք»
(Գործք Բ 7-8):

Ավետարանիչը ներկաներին թափառակալ թվարկում է զանազան երկրների անուններ՝ Պարթևաստան, Մարաստան, Իլամ-Ելամ, Միջագետք, Հրեաստան, Գամիրք-Կապադոկիա, Պոնտոս, Ասիա, Փոյոզիա, Պամփուլիա, Եգիպտոս, Լիբեա, Կյուրենե, Կրետե ու Արաբիա (վերջինս ոչ մի կապ չունի այսօրվա Արաբիայի հետ):

Ի դեպ, նշենք, որ եկեղեցական երևելի հայրերից Բ դարի աստվածաբան Տերտուլիանոսը և Օգոստինոս Ավրելիոս Հիպոնացին, «Գործք Առաքելոց»-ի իրենց ձեռքին եղած օրինակներում, երկրների վերը նշված թվարկման մեջ կարդացել են՝ նրանք, որ բնակվում են Միջագետքում, Հայաստանում ու Գամիրքում¹: Եվ իսկապես, քանի որ նրանք օգտագործել են Սուրբ Գրոց ամենահին և Vetus Latina կոչված թարգմանությունը, ուստի Հրեաստանի փոխարեն դրել են Հայաստանը: Ի բաց առյալ այդ, թե՛ տեղագրական ճշտությամբ և թե՛ տրամաբանական ըմբացքով, Միջագետքի ու Գամիրք-Կապադոկիայի մեջտեղում գտնվող երկիրը Հայաստանն է՝ Մեծ Հայքի թագավորությունը:

Այդ հաստատվում է մաև պատմական տեսանկյունով, որովհետև, ինչպես վկայում են Փավստոս Բուզանդն ու Մովսես Խորենացին, «Տիգրան Մեծ թագավորն այս բոլոր հրեությունն իր դարում բերեց-բնակեցրեց Հայաստանի քաղաքներում»: Ի վերջո, առաքյալների հրեերեն լեզվով խոսելը ո՛չ հրաշք էր, ուստի և ո՛չ էլ զարմանք ու հիացմունք կարող էր պատճառել. «Չէ՞ որ սրանք բոլորը, որ խոսում են, գալիլիացիներ են» (Դործք Բ 7):

Սուրբ Հոգու շնորհներով գործանալով՝ տասներկու առաքյալներն սկսեցին Կենաց խոսքի քարոզությունը: Նրանց քարոզչությունը կարելի է բաժանել երեք շրջանների.

ա) Բրիստոնեության տարածումը Երուսաղեմում.

բ) Բրիստոնեության տարածումը Երուսաղեմի շրջակայքում ու ողջ Պաղեստինում.

գ) Բրիստոնեության տարածումը Փոքր Ասիայում, Հռոմում, Հնդկաստանում և այլուր:

Բնականաբար առաքյալները, Տերունական օրինակով, թե՛ Պաղեստինում և թե՛ ողջ աշխարհում մախ Կենաց հացով կշտացրին մանուկներին, այսինքն՝, Իսրայելի ընտրյալներին, իսկ այնուհետև ձեռնամուխ եղան Տիրոջ պատգամի իրականացմանը. «Ես ունեմ մաև այլ ոչխարներ, որոնք այս փարախից չեն, մրանց ևս պետք է այստեղ բերեմ. և իմ ծայնը պիտի լսեն. և պիտի լինի մի հոտ և մի հովիվ» (Հովհ. Ժ 16):

Այսպիսով, առաքյալների միջոցով (իհարկե Պողոս առաքյալի սկզբնավորությամբ) Տիրոջ փրկագործությունը հեթանոսների, այսինքն՝ այլազգիների վրա էլ էր տարածվում, և այդպիսով, այսինքն՝ մույմ հավատքով միացած, մի փարախի միակ հոտը պիտի կազմեին թե՛ այլազգիները և թե՛ հրեաները, և Հիսուս Բրիստոս պիտի լիներ բոլորի միակ «քաջ հովիվը»:

¹ Մաղաֆիա արք. Օրմանյան, «Համապատում», էջ 881, տե՛ս մաև «Հայ Եկեղեցու հիմնադրումը և կազմավորումը մինչև Դ տիեզերական ժողովը», էջ 38:

«Արեւից շառավիղող ճառագայթի միւս Հիսուսի տասներկու առաքյալները և Հիսուսին հետևող աշակերտները տարածվեցին աշխարհի չորս կողմերը և երկնային Լուսնի շողերը ցանցեցին ժողովուրդների կյանքներում:

Առաքյալների Քրիստոսատուր իշխանության և Քրիստոսաւարդն հավատի վրա հիմնվեցին Քրիստոսի եկեղեցիները՝ բազում ազգերի և երկրների մեջ»:

Առաջին հերթին իհարկե Երուսաղեմում ու Պաղեստինում, այնուհետև՝ Ասորիքում, Կիպրոսում, Միջագետքում, Հայաստանում, Կապադովկիայում, Պարթևաստանում, Փոքր Ասիայում, Հնդկաստանում, Հռոմում և այլուր:

Այնպես որ, մոտավորապես 50-ական թվականներին Պողոս առաքյալը գրում էր. «...Գոհություն եմ մատուցում իմ Աստծուն, Հիսուս Քրիստոսի միջոցով, երա համար, որ ձեր հավատը պատմվում է ամբողջ աշխարհով մեկ...» (Հռոմ. Ա 8), և «աճում ու պտղաբերում է ամբողջ աշխարհում» (Կող. Ա 6):

Ա) Հայաստանում քրիստոնեության մասին տեղեկություններ, մինչև առաքյալների քարոզչությունը:

Ինչպես վերը նշեցինք, Հայոց Տիգրան Մեծ արքան (95-55 թթ.), իր պաղեստինյան արշավանքից հետո, Հայաստան է վերադառնում բազմաթիվ հրեաների, Հյուրկանոս քահանայապետ-թագավորի հետ միասին: Տիգրան արքան նրանց բնակեցնում է Հայաստանի քաղաքներում, այսինքն՝ Արտաշատում և նրա շրջակայքում, Երվանդաշատում, «Օամիրամի քաղաքում», այն է՝ Բզունցյաց (Վանա) ծովի ավազանի քաղաքներում և այլուր:

Ինչպես տեսնում ենք, Տիգրան Մեծի ժամանակ իսկ Հայաստանում, նրա իսկ միջոցով, ձևավորվում են հրեական համայնքներ, որոնք բնականաբար շփվել են հայերի հետ, ընդունել են նրանց լեզուն ու մշակույթը, բայց միաժամանակ պահպանելով իրենց կրոնական ու մշակութա-կենցաղային որոշ առանձնահատկությունները:

«Ամեն հրեայի համար օրենք էր գատիկը կատարել գաղանկերությամբ և քաղաքականությամբ և ամեն բարեպաշտ հրեայի համար էլ օրենք էր գատկական զոհ մատուցելը, իսկ զոհի համար էլ ամհրածեշտ էր Երուսաղեմ գնալ, քանի որ տաճարից դուրս զոհ մատուցելը օրենք չէր» («Համապատում», էջ 54, Բ Օր. ԺԶ 16):

«Դեռ շատ վաղուց առևտրական և քաղաքական հարաբերությունները Հայաստանին սերտորեն կապել էին հրեաների հետ» (էջ 40):

Ահա այս տեղեկություններից մեք ենթադրում ենք, որ ինչպես մ.թ.ա. I, այնպես էլ մ.թ. I դարերում շատ հայեր, առևտրական նպատակներով, ինչպես նաև Հայաստանում բնակվող հրեաները, զուտ ազգային նպատակներով, գնացել են Երուսաղեմ: Եվ հավանական է, որ նրանք իրենց ճանապարհորդության և Պաղեստինում ու Երուսաղեմում գտնվելու ժամանակ ծանոթացել են Հիսուս Քրիստոսի մոր վարդապետությանը և, գալով Հայաստան, պատմել են իրենց ազգականներին ու բարեկամներին՝ բնականաբար մեծ հետաքրքրություն առաջացնելով նրանց մոտ մոր վարդապետության մկատմամբ:

Այսպիսով, վերը նշված տեղեկություններից ենթադրում ենք, որ շատ հավանական է, որ մախքան Ս. Թադեոսի և Ս. Բարթողիմեոսի քարոզչությունն է Հայս, այդ ճանապարհով Հայաստան թափանցելի Հիսուսի մոր վարդապետության մասին տեղեկություններ և հող մախապատրաստելի առաքյալների

քարոզությամբ: Քանի որ, ինչպես գրում է Հայկ Մեքեմյանը. «ճոր վարդապետությունները ո՛չ մի երկրում, ո՛չ մի ժողովրդի մեջ պս. ուսմաբար չեն ընդունվում, եթե դրանց համար համապատասխան պայմաններ չեն ստեղծվել»²:

Բ) Ս. Թադեոս առաքյալ:

Ըստ նախնական ու հաստատուն ավանդության, Հիսուսի տասներկու առաքյալներից, Ավետարանի կենաց լույսը Հայաստանում քարոզելու մայատակով, Արևելք եկան Ս. Թադեոսն ու Ս. Բարթողիմեոսը, որոնց քարոզությամբ էլ դրվեց Հայաստանյայց Առաքելական Սուրբ Եկեղեցու հիմքը:

Ինչպես հայկական ավանդությունն ու ասորական (ճշեմք, որ ոչ քոլոր) աղբյուրներն են վկայում, Հայաստանի երկու Լուսավորիչներից առաջինը Ս. Թադեոս առաքյալն էր քարոզությունը սկսեց Հայոց կողմերում: Ուստի նրա անունով Հայոց աշխարհը հոգևոր իմաստով ստացավ «Վիճակ Թադէի» անվանումը, իսկ դասական պատմիչներից Փավստոս Բուզանդը հստակորեն Հայոց Հայրապետական Աթոռը կոչեց «Թադեոս Առաքյալի Աթոռ»:

Ս. Թադեոս առաքյալի մասին Մատթեոս Ավետարանիչը Ղեբեոս (Մատթ. Ժ 3), իսկ Ղուկաս Ավետարանիչը՝ Հակոբոսի որդի Հուդա (Ղուկ. Զ 16) անուններով են հիշատակում: Ինչպես վկայում է Աթոռն Հատիտյանը, Թադեոսի գրչին է պատկանում Նոր Կտակարանի Հուդա առաքյալի ընդհանրական թուղթը: Նշեմք, որ Հովհաննու Ավետարանում «Տեր, ինչպե՞ս եղավ, որ քեզ պիտի հայտնես մեզ և ոչ թե աշխարհին» (Հովհ. ԺԴ 22) Հիսուսին միամտորեն հարցնող Թադեոս առաքյալն էր:

«Գործք Առաքելոցը» ոչ մի տեղեկություն չի տալիս Ս. Թադեոսի առաքելական գործունեության մասին: Բայց մեզ հասած ավանդություններից տեղեկանում ենք, որ Թադեոսն իր առաքելական քարոզությունն Արևելքում հասցրել է մինչև Աղվանք, իսկ Արևմուտքում՝ մինչև Մաժաք-Կեսաբիա, որտեղ էլ հաստատել է Եպիսկոպոսական Աթոռ:

Արքազան առաքյալն իր հետ Հայոց աշխարհ է բերել, որպես նվիրական սրբություն, Սուրբ Գեղարդը, որով հոռմեացի գինվորը խոցել է Հիսուսի կողը՝ խաչից վար առնելուց առաջ: Ս. Գեղարդը պահվել է Այրիվանքում, որտեղից, այնուհետև, տեղափոխվել է Մայր Աթոռ Ս. Էջմիածին, ուր գտնվում է մինչև այսօր: Ս. Թադեոսն իր հետ Հայաստան է բերել նաև Սուրբ յուղը՝ Մյուռոնը:

Հարկ ենք համարում ճշել, որ ոմանք (այդ թվում՝ Մովսես Խորենացին) Սուրբ Թադեոս առաքյալին համարում են ոչ թե տասներկուսից մեկը, այլ՝ յոթանասներկուսից մեկը: Մինչդեռ, ինչպես և վերը ճշեցինք, Ս. Թադեոսը, ըստ Մատթեոս և Ղուկաս Ավետարանիչների, տասներկուսից մեկն է:

Սակայն ի՞նչն է պատճառը, որ Ս. Թադեոսը նաև յոթանասներկուսից մեկն է համարվել: Ահա այս հարցին միանգամայն սպառիչ պատասխան է տալիս Եռամեծ Վարդապետ Ս. Գրիգոր Տաթևացին. «Եւ այս է [ստորագ] պատճառն որ ոմանք [զԹադէոս առաքելայն] յեթանասնիցն ասեն. զի եթանասուն աշակերտացն գլոյս և վարդապետ էր» («Գիրք հարցմանց», էջ 549):

² «Էջմիածին», 1978, է. էջ 51:

Գ) Ս. Թադեոս առաքյալի քարոզությունն ի Հայս:

Մ. թ. I դարի սկզբին գրված Պոմպեոս Տրոգոսի պատմական երկում կարդում ենք. «Չի կարելի լուրջամբ ամենել այդպիսի մեծ թագավորության կողքից, ինչպիսին է Հայաստանը, քանի որ մրա սահմանները, Պարթևաստանից հետո, իրենց ընդարձակությամբ գերազանցում են բոլոր մյուս թագավորությունների սահմանները»: Հիրավի, Մեծ Հայքի թագավորության սահմաններում տակավին մ. թ. I դարի սկզբներին ընդգրկված էր շուրջ 310.000 քառակուսի կիլոմետր տարածություն: Արդ, եթե Հայաստանն իր տարածքային ընդարձակությամբ և քաղաքական կշռով Հին աշխարհի Հռոմից ու Պարթևաստանից հետո III պետությունն էր, և եթե I դարում առաքյալները քրիստոնեություն էին քարոզում Փոքր Ասիայի փոքրիկ թագավորություններում, ապա, բնականաբար, չէր կարող անտեսվել Հին աշխարհի III պետությունը՝ Մեծ Հայքը:

Եվ իրոք, Հոգեգալուստից հետո, մեկ տարի անց, քրիստոնեությունը քարոզելու համար, Արևելք եկան Սուրբ Թադեոս և Բարթողիմեոս առաքյալները, որոնցից առաջինը Ս. Թադեոսն էր, որ Ավետարանի լույսը բերեց «Ի Հայս», աստվածաշնչական «Երկիրն Արարատայ» և լուսավորեց «տունն Թորգոմայ»:

Նշենք, որ Թադեոսի քարոզության մասին գրույցը՝ սկզբնավորված I դարում Հայոց միջավայրում, երկու-երեք դար անց գրի առնվելով ասորերենով, տարբեր մշակումների, խմբագրումների ու հավելումների ենթարկվելով, որպես գրավոր սկզբնաղբյուր համդես էր եկել համառոտ (հունարեն թարգմանությունը պահպանվել է Եվսեբիոս Կեսարացու «Եկեղեցական պատմություն»-ում) և ընդարձակ շարադրանքներով (Լեբուքցայի (Ղեբուքցա) «Ադդեոսի վարդապետությունը»), որոնք իրենց գաղափարական ուղղվածությամբ և բովանդակած մյուսով մասամբ հեռացել են հայերեն քանավոր՝ սկզբնական ավանդությունից: Իր հերթին Ե դարի հայ թարգմանիչը՝ Սամվել եպիսկոպոսը, ձգտել է վերականգնել ավանդության հայկական հիմնաշերտը՝ «Թուղթ Աբգարու» թարգմանությամբ:

Ինչպես տեսնում ենք, ասորական աղբյուրների և հայկական ավանդության միջև կան տարբերություններ, սակայն այդ էական մշակակություն չունի. կարևորն այն է, որ այդ բոլոր աղբյուրներն ու հայկական ավանդությունը հաստատում են, դեռ ավելին, քույր եկեղեցիները պաշտոնապես ընդունում են, որ իրոք տասներկուսից մեկը՝ Թադեոս-Ղեբեոս-Հուդա-Ադդա առաքյալը, մախ քարոզչական գործունեություն ծավալելով Օսրոյեննի թագավորությունում և դարձի բերելով մրա Աբգար V թագավորին (որին Մ. Խորենացին պատմական հենքի վրա ներկայացնում է իբրև Հայոց թագավոր), ապա անցել է Մեծ Հայք՝ Բարի Լուրն ավետելու Աբգարի քրոջ որդուն՝ Սամատրուկին, Մեծ Հայքի արքային:

Բնականաբար, Թադեոս առաքյալն ինչպես Եդեսիայում՝ «մտնելով հրեա իշխան Տուրիայի տունը, լուսավորում էր մրանց Երկնային Լույսով», այնպես էլ Մեծ Հայքում մախ քարոզել է հրեական միջավայրում, ապա՝ հայկական:

Եվ, շնորհիվ Թադեոսի առաքելական գործունեության, տակավին I դարում Հայաստանում ստեղծվում են բազմաթիվ քրիստոնյա համայնքներ ի դեմս Մծուրքի, Աշտիշատի և Արտազի, որտեղ էլ Ս. Թադեոս առաքյալն ու արքայադուստր Սամոդուխտն արժանանում են մահատակության անթառամ պսակին:

Համաձայն սրբազան ավանդության, Ս. Թադեոսի մահատաղության վայրում, ինչպես վկայում են Զեմոր Գլակմ ու Պատմաբայր Մ. Խորեմացի, հայ հեթանոսական մեհյանի հիմքերի վրա կառուցվում է Ս. Թադեի վանքը:

Դ) Թադեոս անումը կրող և իրենց գործունեությամբ սրբազան առաքյալի հիշատակը արժևորած հայեր:

Համաձայն Հրաչյա Աճառյանի «Հայոց անձնանունների քառարանի»³, 95 անձ կրել է Թադեոս անունը: Ահա մեր կարծիքով մրանցից առավել մշամավորները.

ա) Թադեոս՝ «այր անպարտելի գրչության», որն ուղեկցեց Պետրոս Գետադարձ կաթողիկոսին Կոստանդնուպոլիս ճանապարհորդելու ժամանակ.

բ) Թադեոս վարդապետ՝ Հեթում Ա թագավորի ձեռնասուն որդի և հիմնադիր Ս. Փրկիչ ամապատի, որտեղ իր կյանքի վերջում պետք է ճգներ Հեթում թագավորը.

գ) Թադեոս միայնակյաց՝ «հեզ և խոմարհ, առաքիմի և յոյժ արդար». երիտասարդ տարիքում նա հրաժարվում է ծնողներից, տնից ու հարստությունից և ճգնավոր դառնում՝ ուսուցիչ ունենալով համաճում մի անձի: Թադեոս միայնակյացը հռչակվում է իր ճգնությամբ, և մրա անունը շատ գյուղերում ու քաղաքներում է տարածվում.

դ) Թադեոս եպիսկոպոս՝ մվիրակ Ս. Էջմիածնի և Արմաշի մշամավոր վանքի հիմնադիր:

Այսպիսով, մեր խոսքը համրագումարի քերելով, եզրակացնում ենք, որ I դարի առաջին կեսին Հայոց աշխարհում, քրիստոնեության արշալույսին, Առաքելական քարոզությունը հոգևոր հավատով պարարտ հող գտավ. քրիստոնեությունն ընձյուղվեց հավատի լուսեղեն ակունքներից, և դրվեց Հայոց Եկեղեցու հիմքը՝ ի դեմս թագմաթիվ քրիստոնեական համայնքների (Մծուրք, Աշտիշատ, Արտագ) և Ս. Թադեոս առաքյալի մվիրական հաստատության՝ սրբանվեր գերեզմանի:



³ Երևան, 1944, հատ. A, էջ 244-255: